

EGAA YEROO KADHATTAN. . .

GUY YAA 1^{FFAA}—ANATTI QABADHAA JIRAADHAA.

“Ani muka waynichaa ti, isin immoo damoota isaa ti; inni anatti qabatee jiraatu, anis isatti jiraadhu, isa ija baay'ee kan godhatu; anattii gargar baatanii waan tokko illee gochuu hin dandessan.”Yoh. 15:5

Itti Fufiinsaan Waliin Ta'uu: Ija Godhachuutiif Hal-Duree Barabaachisan.

Ergan eebbifamee boodaa gara zoonii waldoota xixiqqoo sadii qabduu tokkoottan waamame. Yeroon isaa ganna-yeroo qorraa ture. Waldoota kana sadan keessaati tokko miseensotni ishee maangudoota/namoota buleeyyii turan. Guyyaa sanbaataatti baay'ee gaariidha kan jennu akka gaafa guyyaa ayyaana gannaatti tarii miseensota 40, gaafa sanbata kan biro immoo gara miseensa 10 taanee oolla.

Guyyaa Sanbata tokko baay'ee ni qorra ture, naannoo 32°F ta'ee osoo jiruu namootni sagal waldaa keessatti ni argaman: isaan keessa namootni 4 maatiikoo keessa kan dhufan yeroo ta'an 5 immoo kan biro turan. Dinqisiifadheen lallabuun qabaa? Jedheen gaafadhe. Jaarsi waldaafi jaartiin wagga 90 ta'an tokko “kurnaffaa keenya ni deebifna mitii, kanaafuu lallabuu qabdaa” nann jedhan. Anis nan lallabe.

Yoh. 15:4-8 keessa isa jiru irrattan lallabe. Lakk. 4 keessatti “Anatti qabadhaa jiraadhaa” kan jedhu si'a sadii irra deddeebi'amee jira. Akkaa aadaa warra Ibirootaatti waanti tokko si'a sadii yoo irraa deebi'amee baay'ee barbaachisaa ta'uu isaatii, amma illee barbaachisaadhas. Jireenya kiristiyaanummaa keessatti waanti nuti ofii keenyaan goonu barbaachisaa akkanni hintaaneen irratti xiyyeeffadhee dubbadhe. Tajaajilaaf ha waamamnuyyuu malee ofii keenyaan bu'aa tokko illee buusuu hindandeenyu. Hata'u iyyuu malee Yesuu sagalee isaa keessatti, yoo isatti qabamnee jiraanneef, waanta isa gaafannee hundumaa akka nuuf raawwatu nutti dubbateera. Waanti wal-xaxaa ta'e hinjiru; milkaa'insaaf dhibba keessa dhibba mirkanaa'adha.

“Kanaafuu, Waanti jijjiirama fiduu danda'u waanta nuti goonu osoo hintaane waanta waaqayyo godhuudha jedheen dhaggeeffattootatti hime”.

Ellen G. White akkas jettee barreesite, “Milkaa'insa kan siif kennu dandeetti ati amma qabdu ykn yoomiyyuu qabaattu miti. Kun waanta Gooftaan siif gochuu danda'uudha. Waanta namni godhu irratti amantaa baay'ee xiqqoo ta'e qabaachuu qabana, akkasumas tokkoo tokkoo lubbuu amante hundumaaf waanta waaqayyo gochuu danda'u irratti amantaa baay'ee guddaa ta'e qabna.” (*Christian Service*, p. 262).

Kadhannaan “icciitii humna hafuura akka ta'e” (prayer, p. 12) miseensota muraasa ta'an sanatti nan dubbadhe.” Isa burqa/madda jabinaa ta'e sanaa wajjin walitti nu hidha”. (prayer, p. 272). Kadhannaan “Qabeenya Waaqayyoo isa daangaa hinqabne sana akka argannu nu taasisa”. (*Steps to Christ*, p. 95). Kadhannaan halleellaa Seexana irratti meeshaa hundaa caalaa ga'umsa qabuudha. (1T pp. 295, 296, 345, 346).

Abdii Yesuus isa Mat. 18:19-20 keessa jiru isaanitti nan dubbadhe. Mat. 18¹⁹ “Ammas isiniin nan jedha; isin keessaa namoonni lama biyya lafaa kana irratti waa'ee waan tokkootti walii galanii yoo kadhahan, abbaa koo isa waaqa irraa biraa wanti isaan kadhahan in kennamaaf.”²⁰ Iddoo namoonni lama yookiis sadii maqaa kootiin walitti qabamanitti, ani achitti isaan gidduutti nan argama” jedhe. “Yoo 200 ykn 300” taatan hinjedhu, garuu “yoo 2 ykn 3” tokkummaafi walii galteedhaan walitti qabamanitti jedha. Akkasumas “tarii nan godha” hinjenne, garuu baay'ee ifa taasisee “Ani nan godhaaf/nan kennaaf” jedhe.

Dhaggeeffattootako muraasa ta'anitti, “Homaa gochuu dhiisuun filannoo miti. Kadhachuufi hojjechuu qabna, Waaqayyo immoo akka waadaa nuuf galee jirutti firii/ija isaa nuuf ni kenna.” Humna kadhannaa irratti lallaba jabaa ture.

Aniifi haati warraakoo osoo waliin manatti deemaa jirruu,” Asii deemuutu nurra jira. Abdiin guddachuu ykn waanti qabatamaan tokko illee waldaa kana keessa hinjiru” jedheen isheetti dubbadhe. Isheenis lallaba koo irra deebite natti dubbatte, abdii yesuusiin, akkas jettee na gaafatte,” Maaliif kadhannaadhaaf isaan hinwaamtu?” Anis shakkaadhuman waan isheen jette godhe. Dubartootni muraasi sun ganama yeroo hundumaa sa'a 6:30 a.m. iraatti hafuura qulqulluutiif, guddina waldaatiif, maatiidhaaf, magaalaatiif, karoora waaqayyo waldaa isaatiif qabuuf, akkasumas waanta gochuu qabnu irratti iftoomina akka qabannuuf waliin kadhachuudhaaf ni dhufu. Ji'a sadii booddee waldaan miseensota 120 qabaatte.

Waaqayyo akka ati isatti qabamtee jiraattuuf, dadhabbi malee akka ati kadhattuuf, isatti akka addann hinbaaneef, akkasumas akka ati isa waliin deemtuuf waamicha siif gochaa jira. Inni akka ati isatti qabamtee jiraattuuf waamicha siif godha, akkasumas atis guyyaa hundumaa akka inni si waliin ta'uuf hafeerraa gochuufii qabda. Maddi humnakee inni dhugaan kanaadha. Nageenyikees kanaadha. Yeroo ati waaqatti qabamtee jiraattu, seexanni sirratti humna hinqabaatu. Kiristoos si keessa jiraachuun akkasumas atis isa keessa jiraachuun karaa tokkicha guddinaafi milkaa'insa fiduudha.

Mee waliin hakadhamnu.

Yeroo kadhannaa (Daqiiqaa 30–45)

Gareen kadhataa hundumtuu haala garagaraa itti waliin kadhata qabu. Daqiiqaa 30-45 itti aanee jiru kana keessatti akkaataa hafuuri qulqulluun isin qajeelcheen kadhata tokkummaadhaan akka isin qabaattaniif isin jajjabeessina. Kadhannaan haasawaa gabaabaa (hima 1-3) qabu ni jajjabeeffama. Kun akka namootni baay'een yeroo heedduu kadhataaniif gargaara. Armaan gaditti fakkenyotni muraasi karaa mata duree caaffata qulqulla'aa, kadhannaan muraasi dhiyaataniiru. Akkasumas karaa heertuu kan biros kadhachuu ni dandeessuu, kadhata keessan keessattis mata dureewwan kan biroos hammachiisuu ni dandeessu. Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.

Sagalee Waqayyootiin Kadhachuu — Yoh 15:5

“Ani muka waynichaa ti, isin immoo damoota isaa ti; inni anatti qabatee jiraatu, anis isatti jiraadhu, isa ija baay'ee kan godhatu; anattii gargar baatanii waan tokko illee gochuu hin dandessan.”

“Inni Anatti Qabatee Jiraatu, Anis Isatti Jiraadhu”

Yesuus, yeroo hundumaa akkamitti sitti qabamnee akka jiraannu nu barsiisi. Nuti simalee akka dame wayinii jireenya kennuu irraa gargar ba'ee du'etii. Nu waliin deemi, nu keessatti hojjedhu, karaa keenyas dubbadhuu. Maaloo onnee keenya keessa jiraadhuu akkasumas karaa keenya addunyaa jaalladhu.

“Ija Baay'ee Ni Godhattu”

Gooftaa, qajeelummaan hundumtuu si biraatii akka inni dhufu ni beekna. Ija hafuura jireenya keenya keessatti nuuf guddisi. Jaalalakeetiin, gammachuukeetiin, nagaakeetiin, obsakeetiin, gaarummaakeetiin, arjummaakeetiin, Amanammumaakeetiin, akkasumas of-qabuudhaan nu guuti. Mee jireenyi keenya namoota isaan quunnamnu hundumaatti amalakee isa mudaa hinqabne sana hacalaqqisiisu.

“Anatti Gargar Baatanii Homaa Tokko Ilee Gochuu Hindandeessan”

Gooftaa, tolli keenya akka moofaa abaarsaati. Kakuu keenya ni cabsinaa, hiriyyoota keenya mufachiifna, akkasumas warra nu jaallatan ganna. Siin alatti gargaarsa kan hinqabneefi kan badneedha. Jaalalakee, obsakee, akkasumas garaa keenya keessatti yeroo hundumaa ayyaanakee nu barbaachisa. Ofiikeetti nu dhiyeessuudhaan nu eegi.

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhadhu.

Waldaa Keenya: Fedhii naannooleefi addunyaatiif kadhadhu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf, maatiifi oollaaf kadhadhu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Faarfannaa Dabalataa

Faarfanna Adv. Guyyaa 7^{ffaa}l: Ana keessa jiraadhu (#50); Ofitti nadhiyyeessi (#306); Iddoo dhaabaa keessatti (#487)

Faaruuwan Kan Biroos: Gara garaakoo keessatti; Akka borofaa; Ijakoo naaf bani Gooftaa; Yaa Gooftaa garakeettii